

Schau valer il dretg d'urgenza

Il pur che ha spuentau il luf cun in siet dalla buis da catscha igl october 2021 ha fatg recuors encunter il castitg decretaus dalla procura publica. E lezza ha la finala concediu al pur d'haver agiu en ina situaziun d'urgenza – e sistiu la procedura gia igl atun vargau.

ANDREAS CADONAU/FMR

«Tgi che vul purtar ni transportar in'arma ella publicitad sto esser en possess dad ina lubientscha da purtar in'arma. Vinavon eis ei scumandau da sittar cun ina arma ordvart dad occurrenz da sittar lubidas dallas autoritads ed ordvart da stans da sittar.» Quei scriva la procura publica dil cantun Grischun ils 20 da mars 2022 al pur *Christian Erhard**, che viva cun sia famiglia agl ur dad in vitg sursilvan. Il pur che ha spuentau cun in siet da sia buis da catscha la sera dils nov d'october 2021 in luf che ha attaccu sia muntanera da vaccas-mumma (LQ 10-12-2021). Catschadurs han per regla negina lubientscha da purtar in'arma ordvart dalla catscha ed astgan consequentamein era buca sittar dufront quei temps.

Inculpaus

Per quei motiv inculpescha la procura publica il pur d'haver cunterfatg la sera dils nov d'october 2021 alla lescha d'armas. El mandat penal dil mars 2022 sentenziescha la procura publica il pur per quei ad in castitg. Senza dubi fuss il pur vegnius accusaus d'haver cunterfatg alla lescha da catscha, sch'el havess tuc il luf, blessau ni schizun mazzau el. Lufs blessai ni mazzai ha la survigilanza da catscha e la polizia denton anflau negins. «Jeu havess saviu acceptar il castitg e la caussa fuss stada liquidada», gi il pur che ha mai snegau d'haver spuentau il luf cun in siet da sia buis. El ha sez telefonau la sera dils nov d'october 2021 alla polizia per annunziar il siet. «Biar han cussegliu d'acceptar il mandat penal e d'acceptar il castitg.»

Fatg recuors

Ch'il pur ha la finala tuttina fatg recuors encunter la decisiun dalla procura publica ha era da far cun l'expertisa giuridica che l'Uniu purila Surselva ha schau elavurar il biro d'advocatura Bratschi SA a Turitg. Lezza tracta la situaziun giuridica da puras e purs en connex cun attaccas da lufs (LQ 1. da fenadur 2021) «Jeu sun staus pertscharts dalla resca da recuor, denton havess jeu da tut temps aunc saviu acceptar il mandat penal ed aschia terminar la procedura penal.» E quella procedura



Senza lubientscha astgan ins buca purtar ina arma ella publicitad e buca sittar ordeifer stans da tir. Tuttina ha la procura publica sistiu la procedura encunter il pur che ha sittau cun la buis da catscha per spuentar il luf.

FOTO KEYSTONE/GIAN EHRENZELLER

nescha igl artechel dalla lescha penal che tracta il dretg d'urgenza. Tenor igl artechel 17 dil dretg penal agescha ina persuna sut certas circumstanzas legitim, sch'ella spendra cun in act illegitim d'in prighel che sa buca vegnir impediut autruiva. E tgei resta per il pur e sia famiglia? Malgrad l'indemnisaziun concedida dalla procura publica al pur pervia dalla inquisiziun resta ina summa buca curclada. «Jeu hai denton anflau sustegn che gida da pagar.» Ed ils lufs vivan aunc adina ella vischinonza dil bein puril da Christian Eberhard e sia famiglia. «La muntanera han ils lufs mai attaccu pli dapi igl october 2021, silmeins entochen ussa buc.»

(*num dil pur ei enconuschents alla redacziun)

ha la procura publica dil cantun Grischun instradau suenter ch'il pur ha fatg recuors encunter la decisiun dils 28 da mars 2022. Consequentamein ha la procura publica aunc ina ga examinau ils fatgs ed interrogau il pur accumpignaus dad in giurist. «Jeu hai gia l'emprema sera mess ils fatgs sin meisa e snegau nuotzun viers la polizia.» Il pur manegia che quei agir da buca vuler snegar ni zuppentar enzatgei hagi la finfinala plidau per el e sia situaziun. «Alla fin dalla interrogaziun ei la procura publica plitost stada dall'idea da schar decider la dertgira.» Il pur manegia che la procura publica hagi vuliu schar decider ina dertgira era per quei che las attaccas da lufs vegnien a prender tier e ch'ei savessi dar dapli cass semegliants.

Sistiu la procedura

La procura publica grischuna vegn denton ad ina altra conclusiun, sco quei ch'ella scriva en sia disposiziun digl october 2022. «La procedura penal encunter il pur inculpaus d'haver cunterfatg alla lescha d'armas vegn sistida.» La procura publica recapitulescha en sia disposiziun detagliadamein ils fatgs succedi la notg dils 9 d'october 2021. Ed ella scriva ch'ei detti in summa negins dubis vid il fatg ch'il pur hagi sittau cun sia buis da catscha per spuentar il luf. In fatg ch'il pur hagi era mai snegau. La procura publica conceda ch'il pur ha cunterfatg alla lescha d'armas. «Il pur ha denton fatg valer d'haver reagiu per proteger sia muntanera.» La procura publica menziunera.

Empruau da spuentar luf

Tenor las indicaziuns dalla procura publica era il pur pinaus per ir a letg la sera dils nov d'october 2021. Il pur ha udiu che la muntanera da vaccas-mumma e vadials el claus ella vischinonza dalla casa era fetg malruasseivla. Il pur ei ius a mirar e fatg stem che la seiv electrica era rutta e vaccas e vadials currevan entuorn en ed ordvart dil claus. Il pur ha viu in luf ella vischinonza dalla seiv. El ha empruau da carmalar la biestga en

nuelg. Il luf ha denton impediut quei cun sefultschar denter muntanera e pur ed attaccar la muntanera. Pliras emprovas da spuentar il luf cun grir e pitgar cun in fest giun plaun han nezegiau nuot. Damai che las stentas da spuentar ein stadas adumbatten ei il pur ius per sia buis da catscha ed ha tementau il luf cun in siet. Silsuenter ha el telefonau alla polizia per annunziar il siet. (fmr/ac)

Paucs plaids, massa historias

Dacuort ha el publicau il tierz cudisch da poesias. Igl ei ina rimnada da 63 texts lirics reparti en siat capetels. «Sault dalla diala – Tanz der Fee» ei l'ovra da Gion Battesta Spescha, oriunds d'Andiast.

AUGUSTIN BEELI/FMR

Paucs han tschaffen, dun e talien, da scriver poesias. Sch'ina creescha talas tenor il ritmus dils versets, san ellas era esser lunguras. Igl ei forsa ina caussa dil sesentir e digl interess. Cun scriver poesias san ins filosofar. Lirica envida da mirar ed observar egl intern. Gl'autur d'ina poesia – seigi lu feminin ni masculin – observa, constatescha, remarca, pren posiziun. Quella persuna sto buca esser scolada specialmein. Ella sta denton saver formular, ed in cert talent astga buca muncar.

Giugar e formular

En tiara romontscha dat ei numerus exempels. In pur, ina secretaria, ina casa-

rina, tuttina sco in derschader, in scolast ni plevon, san esser talentai ella lirica. El cass present eis ei in anteriur informaticher. Gion Battesta Spescha ha publicau dacuort siu tierz cudisch da poesias. Scriver talas seigi stau in passatemp beinvegniu, sco equilibr tier professiun e famiglia, san ins leger egl epilog che *Isidor Winzap* ha scret. El ha lectorau «Sault dalla diala – Tanz der Fee». Gl'antierur professor da romontsch al seminari da scolasts a Cuera constatescha ch'igl'autur, oriunds d'Andiast e sesents a Wädenswil, ha plascher dil lungatg e dil formular. Ei seigi il giugar culs plaids, il regl ed il gust da metter en ina fuorma litterara in patratg, in batterdegl, ina sentupada ni ina impressiun.

Gion Battesta Spescha ha finiu sia carriera professiunala. Sco artist dils plaids astga el usa giugar culla retorica, cun metafras, simbols e maletgs linguistics. Las 63 poesias ein cuortas. Cheu in exempel ord il capitel «Temps viviu», ina poesia cul tetel «Péra tosta»: Nus vein/scaldau/la pegna. e turriu/la péra. cheu ha dau/il bien fried/alla casa. Cun otg lingias raquenta gl'autur ina historia, el lai separicipar ad impressiuns, lavurs e regur-



Il frontispezi dil cudisch. FOTO MAD

dientschas. Las biaras poesias ein denter siat ed endisch lingias. Cheu in schatg ord il capitel «Atlas ils dis», il tetel ei «Il favugn»: Igl um da neiv/pren la/capiala. e va senza/dar adia. forsa/in auter/onn puspei.

Il tetel dil cudisch «Sault dalla diala» ei significativ pil cuntegn. Il frontispezi muossa ina diala che sgola tras las tschemas digl uaul, davos ves'ins la glina. Igl ei ina lavur dall'illustratura *Pia Valär*, Zuoz/Turitg.

CUORSA LIUNGA

Sursilvans/as al Cup Continental ed il campinadi svizzer dils juniors

Cla-Ursin Nufer dil Club da skis Tujetsch ha contonschiu il 29avel plaz alla cuorsa da distanza dil Cup Continental a Campa el cantun Tessin. Ella categoria dils umens sut 20 onns ei siu frar *Jon-Fadri* daventaus 23avel. Sco 60avel ha Jon Fadri Nufer buca contonschiu la sonda la qualificaziun pils finals dil sprint. Tier l'elita ha Cla-Ursin saviu sequalificar pil quart-final. El ha terminau la cuorsa sil 20avel plaz.

Al campinadi svizzer da cuorsa liunga dallas mattatschas e dils mattatschs sut 14, respectivamein sut 16 onns ad Eriz el cantun Berna, ha *Tylan Michel* da Trin procurau pil meglier resultat ord vesta sursilvana. El ha contonschiu il 13avel rang ella categoria dils juniors sut 16 onns. Dall'annada 2008 eis el schizun staus il tierz meglier. En quella categoria ha *Luca Deplazes* dil Team Panda Trun contonschiu il bien 18avel plaz. *Heikki Piali* da Trin ei daventaus 42avel. *Otavia Vonplon* dil Club da skis Castrisch ei daventada 30avel ella categoria dallas mattatschas sut 14 onns. Ella medema categoria ei *Maurin Schmed* da Selva Sagogn daventaus 19avel tiels mattatschs. *Nevin Schöpf*, medemamein Selva Sagogn, ha contonschiu il 37avel plaz ed *Elia Bisquolm* dil Team Panda Trun il 38avel rang. Las duas concurrenz dalla staffetta ein vegnidas gudignadas omisduas da teams dil Grischun. (fmr/hh)

VELLA



Il motor da quei auto parcau ha pigliu fuog.

FOTO POCA

Auto ha pigliu fuog

Dumengia ha in auto parcaus a Vella entschiet a barschar. Sco quei che la Polizia cantunala scriva en ina comunicaziun, ei in defect tecnic il motiv ch'il vehichel ha pigliu fuog. Entuorn las 11.10 aveva in habitont da Vella observau fem vid gl'auto che era parcaus agl ur dalla via. Cu la fimera ei vegnida pli intensiva ed il motor ha entschiet a barschar, ha el alarmau ils pumpiers dalla Lumnezia. Il corp ei immediat vegnius ed ha saviu stizzar gl'incendi. (cdm/fmr)

FMR FUNDAZIUN MEDIAS RUMANTSCHAS